



Te Water Safety Code

Nga 'akaue'anga e 5, i te tauturu iā koe kia ponuiā'au te ora'anga



1. Kia kite koe i te 'akapāpānu iā koe

Me ō koe ki roto i te manamanatā, 'akapāpānu ki runga i to'ou mokotua, e to'ou taringa ki roto i te vai – ka 'akama'ata mai teia i te 'irinaki'anga e, ka ora koe. Kia marū te takoto'anga, ma te 'akaea meitaki, mei tei mātau'ia. Me kāre koe e kite i te 'akapāpānu, 'āpī'ia koe, ma te tāmata mata i mua ake ka tomo ei koe ki roto i te vai.



2. Kimi'ia te ngā'i ponuiā'au rava atu

'Ākara meitaki i te turanga o te vai, e te reva, e te matakite i te au mea kino, mei te vai koko pakari. Kimi'ia te ngā'i ponuiā'au rava atu, no te tomo'anga, e te 'akaruke'anga i te vai. Ko te au ngā'i e lifeguards teta'i e 'anga'anga ra, te au ngā'i ponuiā'au rava atu. 'Akarongo ki ta te au lifeguards, ma te 'ākara meitaki no te au 'akairo 'akamatakite'anga, e te au reva.



3. Me te 'ēkōkō ra, no'o ki va'o

'Ākara i te turanga o te reva, i mua ake ka 'akaruke ei i te ngutu'are. E meitaki ake te tiaki no teta'i atu rā kē, me kāre koe i pāpu meitaki i te turanga o to'ou 'uā'orāi karape, te reva, e te turanga o te vai. Ka tauī viviki te reva, e te turanga o te vai.



4. 'Ākono meitaki iā koe 'uā'orāi, e teta'i atu

'Apaina teta'i tokorua i te au taime ravarāi, ma te 'akakite atu i ta'au au parāni ki teta'i. Me 'a'ao i teta'i lifejacket, 'akapāpu kia ō meitaki. Me tei roto te tamariki i te vai, me kore ra, tei te pae i te vai, kia vaitata 'ua teta'i tangata no te 'u'uti mai ki va'o, e te 'ākara'anga meitaki 'ia ratou.



5. Kia kite koe i te tiki tauturu

Me ō koe ki roto i te manamanatā, tākina to'ou rima ki runga, ma te kāpiki atu no te tauturu. Me kite koe i teta'i te anoano tauturu ra, tāniuniu'ia te numero 111 ma te pati atu no te 'Akavā.